



閩媛典第二百二十三卷

閩節部列傳一百五

明一百 王松繼室秦瑞姑

陳氏附

按古田縣志秦瑞姑年十六爲王松繼室甫三年而松亡前妻長子煥先松二載夫妻陳氏名長姑年二十次子煒亦娶於陳名蓮姑煒亦早死蓮姑年二十九越三載蓮姑又亾獨存瑞姑長姑二寡分雖姑婦年則相若相依爲命跬步不離共撫蓮姑所出子撻其外戶屏壯僕言語莫聞其聲吳航司馬陳幼溪稔其事作歌紀之

胡廷佑妻黃瑚姑

魏焯妻林仕姑

余元佳妻李金姑

按古田縣志黃瑚姑胡廷佑妻年二十四喪夫撫三歲子文懷遣就師訓弱冠爲諸生食廩餼縣令表其門 按古田縣志林仕姑舉人魏焯妻年二十夫沒於京師仕姑甘守苦節訓嗣子成家縣

令表其門卒年六十有九

按古田縣志李金姑余元佳妻年二十四喪夫孀居苦守紡績自給

撫二子成立次子亨節爲諸生縣令旌表

陳復暘妻魏德姑

陳應時妻曾玉英

林田妻游德姑

按古田縣志魏德姑陳復暘妻年二十夫與翁相繼沒撫遺腹一子形影相弔甘貧苦守事寡姑艱辛獨任無笑謔容子長爲婚娶縣令旌之

按古田縣志曾玉英儒士陳應時妻年二十夫亡撫

遺腹子七歲而殤守節四十餘年不出房闥縣令表其門

按古田縣志游德姑儒生林田妻年

二十二喪夫無子甘貧守節撫女遣嫁營夫葬立嗣承宗年七十八縣令表其門

李修妻朱仁厚

按古田縣志朱仁厚庠生李修妻家貧勤紡績事舅姑以孝聞修宋儒李延平十四世孫也生子元氣兩月而身亾氏年二十一元氣髫歲以衣巾奉延平祀比壯與妻俱夭朱復撫孫長芳納於義方以延李氏後事聞旌表年六十九終

陳祚妻張氏

按古田縣志張氏陳祚妻歸陳三載而寡矢志自勵績紉而饘鹽爲食歷年八十未嘗聞笑謔之聲事聞旌表

丁子文妻陳扁姑

按古田縣志陳扁姑丁子文妻年十八嫁文閱二年而文沒舅姑憐其少欲遣去之陳指天誓曰微此孤早從子文於地下矣及舅姑相繼喪殮葬俱盡方區畫門內事并如也撫夫弟子章雖嫂而實母之年近七十猶康強不衰

陳細舉

按福清縣志陳細舉方民里人許字新安里鄭從岳將嫁岳亡細舉奔喪拜哭畢獨居一小樓足不下梯兄弟相見不踰閭蓬首垢面毛髮鬻鬻望之不類人形鄰失火將及促之避不聽曰死吾分也何避爲頃之風反鄰屋俱燼而細舉所臥樓獨存觀者皆歎異未幾岳父沒庶姑遺子始孩賴細舉撫之得活卒年八十餘天啟四年巡按御史喬承詔奏旌門閭

林榔妻廉氏

按福清縣志廉氏林榔妻榔伯兄林楊以布衣詣闕繫獄十八年榔萬里往視沒於金壇氏撫二子苦守五十七年孫曾森立氏爲林氏第二支祖妣百代不祧

林渭妻莫氏

林澣妻鄭氏

黃潭妻林氏

按福清縣志莫氏林渭妻渭亡氏年二十五子銓方四歲事寡姑廉氏極孝撫孤子域登鄉薦任縣令守節四十五年年七十卒 按福清縣志鄭氏林澣妻澣力學病亡氏年二十有四撫五歲子成立見孫食廩餼卒年六十一苦節三十八載 按莆田縣志林氏大理卿茂達女黃潭妻年二十五而寡守志撫孤歷三十五年終

陳梅妻黃氏

宋宣妻吳氏

朱君直妻翁氏

按莆田縣志黃氏陳梅妻歸陳未幾夫亡守節撫遺腹子成立養姑送其終督學旌表 按莆田縣志吳氏舉人宋宣妻宣沒於旅邸吳孀居事舅姑以姪萬葉爲嗣年八十一卒以萬葉貴贈蒸人 按莆田縣志翁氏朱君直妻年二十四而寡矢志撫孤三十年卒

陳淳妻蕭氏

林獻策妻黃貞秀

按莆田縣志蕭氏光祿丞光甫女陳淳妻年二十五而寡矢志撫孤五十三年終 按莆田縣志黃貞秀太守相孫女林獻策妻年十九而寡無子守志三十年卒

鄭子會妻張氏

按莆田縣志張氏鄭子會妻子會有孝行及病亟不能語書節孝勤儉四字并木尺一條付張氏張年二十九抱二子與訣斷一指爲信以漆匣盛四字並木尺奉之惟謹事二世大姑以孝聞遭嫁夫之姑及姊妹咸盡禮家產告竭無怨

余國盛妻李氏

丘茂濟妻張氏

周道本妻程氏

按莆田縣志李氏余國盛妻年二十二國盛客死無子聞訃卽自經姑覺得解竟以此成疾守志三十餘年卒 按莆田縣志張氏丘茂濟妻年二十四而寡守節三十餘年卒 按莆田縣志程氏周道本妻年二十四夫沒無子守節五十餘年卒

卓大棉妻陳氏

朱仕顯妻林貞淑

黃漢妻陳氏

按莆田縣志陳氏卓大棉妻年二十三而寡守節五十六年卒 按莆田縣志林貞淑朱仕顯妻年二十四而寡家貧無子守志六十五年卒 按莆田縣志陳氏知府叙女黃漢妻壬戌城陷漢死陳歷艱苦守節與一幼女熒熒相依年四十二卒

陳會妻卓氏

翁世資妾耿氏

翁世用妾沈氏

按莆田縣志卓氏陳會妻年二十四而寡孀居養舅以孝稱歷五十五年卒

按莆田縣志耿氏

尙書翁世資妾年十八孀居終老太守旌之年七十九卒

按莆田縣志沈氏叅議翁世用妾年

二十而寡矢志孀居六十餘年卒

方良節妾朱氏劉氏

黃鞏妾王氏張氏

鄭登高妾富氏黃氏

按莆田縣志朱氏劉氏並布政方良節妾朱黃石人劉惠州府人年俱十九孀居無子相依守節朱年六十五劉年七十二

按莆田縣志王氏張氏並大理丞黃鞏妾王順天人張湖廣人王年二

十二張年二十五俱孀居無子相依守節終始無間太守沈鑒旌之提學周琬月給米一石王年六

十七終張年七十

按莆田縣志富氏黃氏並叅政鄭登高妾富順天人黃應天人富年二十八

黃年二十五俱孀居無子貧苦守節壽終

陳漢妻李氏

凌文塾妻陳氏

蔡賢妻張氏

按莆田縣志李氏陳漢妻生子甫晬而漢亡李年二十二撫孤守節太守旌之卒年六十六

按

莆田縣志陳氏庠生凌文塾妻年十九而寡守節五十餘年

按莆田縣志張氏蔡賢妻年二十

而寡矢志守節食貧撫孤太守旌表年八十終

蟻鳴虞妻陳氏

柳熙妻柯氏

黃子隨妻洪氏

按莆田縣志陳氏蟻鳴虞妻年二十六夫沒家貧矢志撫遺腹子成立卒年六十六

按莆田縣

志柯氏狀元潛姪女舉人柳熙妻熙沒旅邸無子柯年二十八守節四十餘年卒

按莆田縣志

洪氏黃子隨妻年二十四而寡家貧守節養舅姑盡孝卒年九十一

鄭國贊妻林氏

柯木妻林氏

媳附

方子受妻張氏

按莆田縣志林氏鄭國贊妻年三十二而寡拮据紡績養翁以孝聞撫二孤成立年七十八終

按莆田縣志林氏庠生柯木妻年二十八夫亾子矐幼舅姑老孀居十二年克盡孝養矐亦娶於林

年二十二亦寡守節撫子如姑御史方元彥月給米一石表其門

按莆田縣志張氏方子受妻

年二十五而寡誓死守節撫妾子成立太守旌之

朱茂良妻吳氏

康子瞻妻葉氏

唐堯章妻林氏

按莆田縣志吳氏學士希賢孫女朱茂良妻年十七而寡撫遺腹子守節終身 按莆田縣志葉

氏康子瞻妻年二十一而寡家貧守志孝事舅姑年七十餘終 按莆田縣志林氏布政澄源姑

唐堯章妻年二十七而寡二子尚幼家貧孀居六十餘年御史劉芳譽旌之爲給月米優恤復奉例

給羊酒年九十終

李允時妻鄭氏 林獻表妻陳淑婉 林廷燦妻陳氏

按莆田縣志鄭氏李允時妻年二十四而寡撫孤守節四十餘年 按莆田縣志陳淑婉太常卿

音孫女林獻表妻年十九而寡矢志守節教子終身 按莆田縣志陳氏林廷燦妻年二十五而

寡守節課子喬英力學孀居四十餘年卒

陳守信妻林氏 宋大槩妻鄭氏 鄭大猷妻林氏

按莆田縣志林氏陳守信妻年二十三而寡誓死守節孀居五十八年卒 按莆田縣志鄭氏舉

人宋大槩妻槩任祁門訓導逾年而沒鄭年二十家貧撫孤孀居四十年 按莆田縣志林氏鄭

大猷妻年二十三而寡無子誓不易志孀居五十年卒

吳三重妻林氏

郭文光妾徐氏

林昂霄妻方氏

按莆田縣志林氏吳三重妻年二十五而寡子道立甫十月矢志撫道立領鄉薦爲知州林年九十

終 按莆田縣志徐氏吉府典寶正郭文光妾年十八光沒守節四十餘年天啟間奉詔旌表

按莆田縣志方氏禮部儒士林昂霄妻年二十二夫亡守志天啟四年詔旌表

郭良棟妻鄭氏

林祖綬妻彭氏

康志緒妻李氏

按莆田縣志鄭氏尙書郭應聘子良棟妻夫早亡守節奉詔建坊旌表

按莆田縣志彭氏林祖

綬妻叅政文質女歸三年夫沒年二十奉姑守節四十五年卒天啟間旌表

按莆田縣志李氏

縣令廷春女康志緒妻早寡守節白首如初天啟間奉詔旌表

宋玉卿妻陳氏

鄭舜弼妻許氏

黃希東妻方氏

按莆田縣志陳氏宋玉卿妻年二十八而寡遺孤甫二歲孀居四十七年卒

按莆田縣志許氏

鄭舜弼妻年二十二而寡守節撫孤御史表其門

按莆田縣志方氏黃希東妻年二十二而寡

家貧守志養舅姑盡孝鞠二孤成立壽終

林一珩妻黃氏

按僊遊縣志黃氏林一珩妻善化里人溫恂寡言善事翁姑年二十七夫亡苦守冰霜撫幼子躬築翁姑墳墓喪葬盡禮年七十終天啟間奉詔旌表

薛祥妻龔氏

按寧德縣志龔氏薛祥妻年二十六祥從戎囑以老母幼子期五載當還既別二年沙寇鄧茂七反龔扶姑攜子避草莽間亂稍定祥訃音至悲慟幾絕養姑訓子一如祥囑姑沒以禮殯葬父母令再嫁不從以苦節終身

馬浩妻陳氏

按寧德縣志陳氏馬浩妻年二十浩亡矢志守節母家令再適不從勤女紅手植園蔬以自給年八十餘卒

韓志源繼室林氏

按寧德縣志林氏韓志源繼室年二十四夫亡子尚幼里之富人慕其美因志源弟圖爲側室林大

怒抱子慟哭或曰渠豈肯爲人妾耶未幾復求爲妻亦堅不從或曰渠不忍舍子也及子暴亡林號泣欲死又有求聘者至林終斥之人始服其節

彭祖振妻黃氏

按寧德縣志黃氏彭祖振妻振以陰疾不能成禮氏絕無怨悔事姑孝謹竭力攻女紅未幾祖振痰痿旦夕背負出入爬搔洗沐終始不怠祖振死氏年二十五撫姪爲嗣里人失偶者聞其賢多求聘之誓死不從旣而從父欲與宦家爲繼室迺之歸氏覺脫還孀居四十餘年有司旌表

陳樞妻鄭氏 林示乾妻彭氏

按寧德縣志鄭氏陳樞妻鄭世觀季女年二十四夫病亡人勸之再適泣曰如二子何攜往母家勤苦紡績以撫成之年七十四縣令旌其門 按寧德縣志彭氏生員林示乾妻夫以城陷死值倭亂離散氏獨扶姑避山中姑病篤禱天求代未嘗就寢齋素終身

陳庚妻林氏

按寧德縣志林氏諸生陳庚妻素閑內則事庚柔順庚篤學每讀書至夜分林必躬具食佐之遂以

文學顯名於時人稱爲樂羊內子及庚天死長子夢鸞甫三歲次子夢龍遺腹氏苦志守節老而彌堅辛酉之變提攜孤幼艱危萬狀二子竟克有成年六十五卒

林文珽繼室謝氏

按寧德縣志謝氏生員林文珽繼室年二十歸林甫二歲珽病篤一子髮未燥珽懼其有他志謂曰汝能終我事乎謝掩泣剪髮以示珽遂瞑目未幾倭賊充斥獨抱孤子奔竄凍餓荒山蒼莽中狼狽萬狀竟克撫成其孤

李溥麟妻傅細娘

按南安縣志傅細娘李溥麟妻麟沒氏無出妾生三子皆稚氏哀痛幾絕撫三子如己出教訓克底於成舅姑與夫窀穸皆自經營朝夕勤儉以補不足固守遺業無所失墜

洪有臨妻史氏

按南安縣志史氏洪有臨妻臨以省試不售憤恚成疾死氏年二十五哀毀骨立守子啟聰官戶部史爲謹扁鑰閑出入聽欲具疏請旌史遽止之其苦節不求名如此

黃鍾聲妻周氏

按南安縣志周氏郡學生黃鍾聲妻夫早亡氏哀毀幾絕撫孤鼎象紡績自給舅姑沒氏竭力殮葬淚枯眼翳數年若育後鼎象爲舐翳復明鼎象貴封太孺人年九十卒

歐陽承第妻尤氏

按南安縣志尤氏廉州知府尤拔女泉州衛指揮僉事歐陽承第妻年二十承第以襲爵死於途子瑞曾未及笄氏聞訃痛絕誓以死從以翁命立孤孀居四十餘年孝事二親賓祭饋助咸得其歡課子愛而知勞旣襲祖職教之以忠恕瑞曾以游戎廓清山海懋著膚功皆母訓也以覃恩封恭人

洪沂妻王氏

按南安縣志王氏年十七適洪沂甫週歲而夫沒撫遺腹子家貧力作以承翁及繼姑之養族戚憐之諭改適不聽苦節訓其遺孤足不踰閭卒年七十有八

林瞻曦妻陳氏

按海澄縣志陳氏林瞻曦妻萬戶元戎文煬女也年十六于歸未七載夫病篤氏泣曰願相從無後

先夫曰死易耳勿遺孤貽我父母憂氏乃嚙指以誓及夫亾撫孤成立事翁終老訓子通經孝姑敬叔和妯娌御臧獲無不盡善子長畢婚氏疾作召子曰爾父須我久矣無庸藥石也遂卒

某氏女

按海澄縣志某氏女六歲許字鍾有聲有聲遠賈不歸女待之年二十八兩家父母皆願罷婚女不從歸鍾奉有聲母天啟間有聲訃至又十餘年聲母沒親黨憐其無依勸之改適笑曰如有他志豈至今日乎親黨敬之共給養焉

吳二姐

按海澄縣志吳二姐儒士吳錦長女也萬曆間許聘鍾異聲未娶而異聲遊粵至天啟五年不歸氏年二十有八矣鍾母許罷婚二姐不聽遂入鍾門鍾素貧家壁立二姐勤女紅以養未幾聲沒於粵聲母亦尋逝族人使嫁二姐曰有他志豈至今日乎族人憐之遞供給焉卒年八十有五

陳希聘妻鄧氏

楊格妻陳氏

按漳平縣志鄧氏永福里人適陳希聘年二十六而寡遺孤方在抱矢志撫育家貧紡織爲生歷四

十餘年苦節始終如一

按漳平縣志陳氏和睦里廩生楊格妻年二十六格亡水漿不入口者

數日其姑念幼孫無恃多方調護得不死泣血三年未嘗見齒事舅姑盡孝妯娌內外共稱其賢

陳鍾鳳妻鄭氏

陳如玉妻張氏

按漳平縣志鄭氏居仁里人國學陳鍾鳳妻鍾鳳早沒鄭孀居四十餘年貞操不二直指旌其門

按漳平縣志張氏陰陽訓術陳如玉妻年十八嫁四載夫亡遺腹生一女或諷再適曰子之有無命

也吾不負吾夫而已後女殤姑喪煢煢無依日紡績自給年七十終

李宸揚妻陳氏

按平和縣志陳氏龍溪人縣令陳日炳女年十八適西山儒士李宸揚週年生子不育揚病亡陳年

二十矢志守節歷二十餘年兄公隨州知州宸詔爲立其次弟宸注第三子開桂爲之後

游壯猷妻曾氏

按平和縣志曾氏新安里人孝廉曾宏中嫡孫女也在坊庠生游壯猷妻年二十二無子夫亡呼天

慟地欲以身殉翁慰之曰汝無異志吾子雖死猶生何必死哉爲立幼孫爲後氏朝夕孝事舅姑終

其身

陳通妻張氏

按平和縣志張氏馬塘人年十七適儒士陳通甫一年而通死姑以其無出令改適張以死自誓乃令歸母家家貧日坐一隅視不移席勤女紅自給餘則寄以奉姑如是者十年族人義之爲立嗣而其姑仍攜嗣孫別居以遠張姑適病痢張聞步馳五十里往奉之三十七日夜不解帶得愈姑遂感激與歸嗣子珍後亦成立

林樸素妻蔡氏

按平和縣志蔡氏龍溪墨場人林樸素妻當王文成建邑鳩民之初蔡從其夫來薙棘鑿壤家焉生一女四子皆未長而樸素亡家貧苦守力機績教諸子成家歷數十年卒

李繼岐繼室朱氏

張珍偉妻朱氏

按平和縣志朱氏舉人李繼岐後妻年十九夫亡事翁姑至孝已無所出撫前妻子仕衡成立弱冠補弟子員 按平和縣志朱氏新安里人儒士張珍偉妻年二十四夫亡姑老子具錦在抱氏苦